



# partii naleraq

UPA2017/51

Immikkoortup 51 siullermeerneqarnera:

**Naalakkersuisooqatigiit isumaqatigiissutaat naapertorlugu Kujataani Itilliarsuup N 60.614 W45.46.622  
ikerasaliorneqarnissaanik Naalakkersuisut suliniuteqarnissaannik peqquneqassasut Inatsisartut  
aalajangiiffissaattut siunnersuut.**

(Inatsisartunut ilaasortaq Kelly Berthelsen, Inuit Ataqatigiit)

Siullermik siunnersuuteqartoq Kelly Berthelsen siunnersuuternut qujanaq, imatullu partii naleqqamiit siunnersuutit oqaaseqarfingissuarput.

Nunatsinni angallannerup akisunerujussuata pisariaqartilernikuua, namminneq umiatsiaatillit annertuumik ilaannikkut sila atoruminarnerpaanngikkaluartoq piffimmiik piffimmut ilaqtariikkaarlutik umiatsiaaqqamik angalanissartik. Ilannikkullu sila ajunngikkaluarluni avataata imaa aalasinnaasarmat qeqertat akornitigut, oqartarnerattut “nunap iluatigut” upalungaarsimanissaq eqqarsaatigalugu angalaarnissaq ajunnginnerujussuusarpooq.

Taamaattumik siunnersuutit tassunga naapertuuttumik siunertallit, soorlu uani ikerasaliornissamik siunertallit naapertuuppoq ilalissallugit. Nunarpullu isorartoqaaq piffinnilu arlalinni aamma iluatsillugu Naalakkersuisut kaammattorusunnarput misissuisariaqartut, soorlu makkunani:

- Arsuup kujatinnguani “Nybo Kanal” taamaasiortoqarnikuvoq sulili nerukittumik ikkappallaartumillu
- aammalu avannaani Kangaatsiap avannannguani nunaqarfikup Nivaaq saneqquillugu ikkannersaq aaqqiiffigilaaraanni pisariaqanngittumik avaqqutsiniartarnerit pisariaarutissangaluarput.
- Sisimiullu kujataa tungaani Itillip kujatinnguani Inussuttusup timaani ikerasamininnguaq tininngasumi ikkappallaartartoq.
- Qularnanngittumillu suli arlalinnik periarfissanik peqassajunnarsivoq.

Tamakku aningaasarpassuit atunngikkaluarlugit upalungaarsimanermik tunngaveqarluni angallannermik iluarsaassinerit isumaliorujussuit aaqqittariaqartutut tungitsinniit isumaqarfigaangut.

Taamatut oqaaseqarluta una siunnersuut tapserumavarput qulaanilu taakkartukkagut ilangullugit nalilersorneqarnissaat ataatsimiitaliami suliarineqarnissaat innersuussutigalugu

Qujanaq

Per Rosing-Petersen